



桐城吳先生集

32



廣陵書社

桐城吳先生集

32



廣陵書社

第三十二册

漢魏六朝百三家集選（三） 民國七年 都門書局……………

漢魏六朝百三家集選 (三)

民國七年
都門書局

宋 謝惠連 謝莊
齊 謝朓 王僧虔 謝朓

漢魏六朝百三家集選
第七冊

謝法曹集選


賦

雪賦。

歲將暮時既昏寒風積愁雲繁梁王不悅遊於兔園乃置旨酒命賓友
召鄒生延枚叟相如末至居客之右俄而微霰零密雪下王乃歌北風
於衛詩詠南山於周雅授簡於司馬大夫曰抽子秘思騁子妍辭侔色
揣稱爲寡人賦之相如於是避席而起逡巡而揖曰臣聞雪宮建於東
國雪山峙於西域岐昌發詠於來思姬滿申歌於黃竹曹風以麻衣比
色楚謠以幽蘭儷曲盈尺則呈瑞於豐年表丈則表沴於陰德雪之時
義遠矣哉請言其始若乃玄律窮嚴氣升焦溪涸陽谷凝火井滅溫泉
冰沸潭無涌炎風不興北戶墜扉裸壤垂繒於是河海生雲朔漠飛沙

連氛。綦靄。掩日。韜霞。霰淅瀝而先集。雪紛糅而遂多。其爲狀也。散漫交錯。氛氲蕭索。藹藹浮浮。漣漣奕奕。聯翩飛灑。徘徊委積。始緣薨而冒棟。終開簾而入隙。初便娟於墀廡。末縈盈於帷席。旣因方而爲珪。亦遇圓而成璧。眄隰則萬頃同縞。瞻山則千巖俱白。於是臺如重璧。逵似連璐。庭列瑤階。林挺瓊樹。皓鶴奪鮮。白鵲失素。紉袖慙冶。玉顏掩嫋。若乃積素未虧。白日朝鮮。爛兮若燭。龍銜曜照。崑山爾其流滴。垂冰緣霑。承隅粲兮。若馮夷剖蚌。列明珠。至夫繽紛繁鶯之貌。皓汗皎潔之儀。迴散縈積之勢。飛聚凝曜之奇。固展轉而無窮。羌難得而備知。若乃申娛玩之無已。夜幽靜而多懷。風觸楹而轉響。月承幌而通暉。酌湘吳之醇酎。御狐貉之兼衣。對庭鷗之雙舞。瞻雲雁之孤飛。折園中之萱草。摘階上之芳薇。踐雪霜之交積。憐枝葉之相違。馳遙思於千里。願接手而同歸。鄒

陽聞之。慙然心服。有懷妍唱。敬接末曲。於是乃作而賦。積雪之歌。歌曰。
攜佳人兮披重幄。援綺衾兮坐芳褥。燎薰鑪兮炳明燭。酌桂酒兮揚清
曲。又續而爲白雪之歌。歌曰。曲既揚兮酒既陳。朱顏酡兮思自親。願低
帷以昵枕。念褰珮而解紳。怨年歲之易暮。傷後會之無因。君甯見階上
之白雪。豈鮮輝於陽春。歌卒。王乃尋繹吟翫。撫覽扼腕。顧謂枚叔起而
爲亂。亂曰。白羽雖白。質以輕兮。白玉雖白。空守貞兮。未若茲雪。因時興
滅。玄陰凝不昧。其潔太陽耀不固。其節節豈我名潔。豈我貞憑雲升降。
從風飄零。植物賦像。任地班形。素因遇立。汗隨染成。縱心皓然。何慮何
營。




贊

白羽扇贊

惟茲白羽體此濺濺校改潔涼齊清風素同冰雪其儀可貴是用玩悅揮
之襟袖以禦炎熱

松贊。

松惟靈木擬心雲端跡絕玉除形寄青巒子欲我知求之歲寒。



連珠


連珠四首。

蓋聞獻技者易忽。養德者難致。是以子張重趺不獲。哀公之祿。干木偃息。不受文侯之位。

蓋聞機心難湛。不接異類。淳德易孚。可狎殊方。是以高羅舉而雲鳥降。海人萃而水禽翔。

蓋聞春蘭早芳。實忌鳴鳩。秋菊晚秀。無憚繁霜。何則。榮乎始者。易悴。貞乎末者。難傷。是以傅長沙而志沮。登金馬而名揚。

蓋聞修己知足。慮得其逸。競榮昧進。志忘其審。是以飲河滿腹而求安。愈泰。緣木務高而畏下。滋甚。



文

祭古冢文。

東府掘城北漸八

八校
改入

丈餘得古冢上無封域不用塹壁以木爲槨中

有二棺正方兩頭無和明器之屬材瓦銅漆有數十種多異形不可盡識刻木爲人長三尺可有二十餘頭初開見悉是人形以物棖撥之應手灰滅棺上有五銖錢百餘枚水中有甘蔗節及梅李核瓜瓣皆浮出不甚爛壞銘誌不存世代不可得而知也公命城者改埋於東岡祭之以豚酒既不知其名字遠近故假爲之號曰冥漠君云爾

元嘉七年九月十四日司徒御屬領直兵令史統作城錄事臨漳令亭侯朱林具豚醪之祭敬薦冥漠君之靈忝總徒旅版築是司窮泉爲塹聚壤成基一槨既啓雙棺在茲捨畚悽愴縱鍾漣而芻靈已毀塗車旣

摧几筵。糜腐俎。豆傾低盤。或梅李盜。或醢醢蔗。傳餘節。瓜表遺犀。追惟
夫。子。生。自。何。代。曜。質。幾。年。潛。靈。幾。載。爲。壽。爲。夭。甯。顯。甯。晦。銘。誌。湮。滅。姓
字。不。傳。今。誰。子。後。曩。誰。子。先。功。名。美。惡。如。何。蔑。然。百。堵。皆。作。十。仞。斯。齊
墟。不。可。轉。壟。不。可。迴。黃。腸。旣。毀。便。房。已。頽。循。題。興。念。撫。俑。增。哀。射。聲。垂
仁。廣。漢。流。渥。祠。骸。府。阿。掩。骼。城。曲。仰。羨。古。風。爲。君。改。卜。輪。移。北。隍。窀。穸
東。麓。壙。卽。新。營。棺。仍。舊。木。合。葬。非。古。周。公。所。存。敬。遵。昔。義。還。祔。雙。魂。酒
以。兩。壺。牲。以。特。豚。幽。靈。髣。髴。歆。我。犧。樽。嗚。呼。哀。哉。